

I Rusignoli

Nant' à un arburu in la machja ma chì ci serà ?
Ci sò dui rusignoli ch'ùn facenu chè cantà.

Unu dice pianu pianu ma chì dicerà ?
Dice oghje hè lu veranu ci vulemu marità.

L'altru dice pianu pianu ma chì dicerà ?
Dice ci feremu un nidu quì nimu ùn lu truverà.

È in quellu nidu di piume chì ci nascerà ?
Nasceranu l'acellucci l'ampareremu à cantà.

Nant' à un arburu in la machja ma chì ci serà ?
Ci sò dece rusignoli
Ci sò centu rusignoli

Centu mille rusignoli ch'ùn facenu chè cantà
Rusignoli machjaghjoli cantanu la libertà.

G.T. Rocchi